

վէղիրին : Իրրեւ յանձն առին նոքա հաճութեամբ կատարել զհրամանն , զրով հաստատեաց զմիաբանութիւնս նոցա և արձակեաց :

Իսկ Գրիգոր Պատրիարք 'ի Կիւրակէի Գալստեան , որ օր Մաղկազարդ էր Յունաց , առաքեաց զամենայն ուխտաւորս և զժողովուրդս Հայոց 'ի լեառն Զլթենեաց եւ ետ կատարել անդ պատարագ հանդիսաւոր 'ի վերայ Համբարձման օտնատեղոյն Գրիստոսի , եւ յաւուրն երկրորդի առաքեաց զնոսա 'ի Յորդանան գետ , եւ դարձան անտի խաղաղութեամբ յերուսաղէմ : (Զայս սովորութիւն խափանեալ են այժմ Հայք , միայն 'ի տարւոջ միանգամ տան բերել ջուր 'ի գետոյ անտի' և բաժանեն ուխտաւորաց . իսկ Յոյնք ցարդ պահեն զսովորութիւնս իւրեանց , և 'ի տարւոջ միանգամ տանեն անդ զուխտաւորս) :

Եւ 'ի հասանիլ տօնի Պասեքին Յունաց' եկեալ ոստիկանին և այլ մեծամեծացն այլազգեաց' նստան 'ի դուռն տաճարին Ս. Յարութեան 'ի զգուշութիւն' եւ չթողուլ զքք 'ի Հայոց մտանել 'ի ներքս ըստ հրամանին : Թէպէտ և Գրիգոր Շղթայակիր յառաջադոյն յորդորական բանիւք և քաղցրախօս վարդապետութեամբ իւրով պատուիրեալ էր ժողովրդոց չգնալ ումեք և մի' երեւիլ անդ , զի մի' գուցէ կրեսցէ պատիժս' և ազգն ողջոյն երեւեսցի իրրեւ անհնազանդ : Այնպէս հետեւեցան ժողովուրդք խրատու հովուի իւրեանց , մինչ զի չիմանալ ումեք թէ՛ զինչ գործեցին Յոյնք 'ի Պասեքի իւրեանց : Եւ այսպիսի եղանակաւ կատարեալ նոցա զՁատիկն' ելեալ գնացին 'ի տեղիս իւրեանց :

Եւ յաւուր յայնմիկ 'ի միջօրէի ետ բանալ Գրիգոր Պատրիարք զգուռն Տաճարին և գնացեալ անդ բազմութեամբ ուխտաւորաց , կատարեաց զտօն Մաղկազարդի մեծահանդէս փառօք , և դարձաւ 'ի վանս Ս. Յակոբայ : Նոյնպէս կատարեաց անդ յաւուր Աւագ Ուրբաթու զխորհուրդ Զարչարանաց և Սաչեկութեան Տեառն , թափօրական հանդիսիւ չրջելով 'ի բովանդակ անօրինական Տեղիս 'ի տաճարի անդ : (Այս սովորութիւն Հայոց խափանեալ է այժմ , զսոյն խորհուրդ կատարեն 'ի տաճարի Ս. Յակոբայ) :

Իսկ յաւուր Շաբաթու յերեկոյի ձրագալուցի Զատիկն ,